



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM  
Komisija za administrativna pitanja  
Broj: 01/7-208/99  
Sarajevo, 14.10.1999. god.

**Z A P I S N I K**  
**sa 5. sjednice Komisije za administrativna pitanja Predstavničkog doma,**  
**održane 14. oktobra 1999. godine**

Sjednica je počela rad u 10,30 sati.

Sjednici su prisustvovali poslanici: Mustafa Pamuk, Pero Skopljak, Suada Muminagić, Ivo Lozančić, Ana Havel, Alma Čolo i Našid Oruč, dipl. ekonomista.

Sjednici nisu prisustvovali: Desanka Rađević, Vito Rakić i Nikola Špirić.

Za sjednicu je predložen i usvojen sljedeći

**D N E V N I R E D**

1. Prijedlog budžeta Parlamentarne skupštine BiH za 2000 godinu, i
2. Tekuća pitanja.

**Ad.1. Prijedlog budžeta Parlamentarne skuštine BiH za 2000. godinu.**

Predsjedavajući Mustafa Pamuk predlaže da uvedne napomene da Našid Oruč, šef računovodstva. Podsjeća na činjenicu da je prijedlog napravljen na osnovu podataka za utrošak samo 2/3 sredstava doznačenih za dio koji se odnosi na troškove struktura iz Federacije, a da se o 1/3 vrši procjena, jer nema o njima knjigovodstvenih podataka.

Našid Oruč je naveo da su ove godine podaci pouzdaniji, jer je Parlamentarna skupština počela djelovati. Nakon primjedbi datih na Komisiji u Domu naroda došlo je do znatnijeg povećanja sredstava u zahtjevu za 2000 godinu. Razloga je više: veći broj poslanika u radnom odnosu u Parlamentu, veći broj sjednica i domova i radnih tijela, očekivani ulazak u vijeće Evrope, sada svi troškovi padaju na članicu i dr.

U raspravi, u kojoj su sudjelovali svi članovi Komisije, date su načelne primjedbe:

- da je Prjeldog izrađen samo na osnovu uvida u 2/3 budžetskih sredstava koje se odnose na strukture Parlamentarne skupštine BiH iz Federacije BiH,

- da Komisija ne zna osnov po kome se raspoređuju sredstva za budžet Parlamentarne skupštine BiH na 2/3 prema Federaciji BiH i 1/3 prema Republici Srpskoj;

- da u dokumentu nema izvještaja o rashodima u dijelu sredstava koja su usmjeravana prema RS;

- da u vezi s prethodnim Prijedlog nije u skladu sa Zakonom o izvršenju proračuna institucija BiH i međunarodnih obaveza BiH za 1999. godinu.

U vezi s tim, Komisija je zaključila:

1. da ponuđeni Prijedlog zahtjeva za budžet nije potpun ni zakonska osnova za planiranje sredstava za 2000. god.;

2. da Ministarstvo civilnih poslova i komunikacija, u skladu sa članom 19. Zakona o izvršenju proračuna institucija BiH i međunarodnih obaveza BiH za 1999. godinu dostavi Komisiji za administrativna pitanja Predstavničkog doma Parlamentarne skupštine BiH o ukupnim rashodima Parlamentarne skupštine BiH u proteklom periodu, kao i plan rashoda za 1999. i 2000. godinu;

3. da se budžetska sredstva Parlamentarne skupštine BiH ubuduće usmjeravaju na jedinstveni račun;

4. da Sekretarijat Parlamentarne skupštine BiH u roku od 10 dana nakon dobijanja izvještaja i plana iz zaključka 2. dostavi Komisiji za ponovno razmatranje Prijedloga zahtjeva, koja će o svojim primjedbama obavijestiti Ministarstvo za civilna pitanja i komunikacije BiH.

## **Ad.2. Tekuća pitanja**

Predsjedavajući je upoznao Komisiju da je Klub poslanika SDP podnio zahtjev da Ivo Mijačević, poslanik u Predstavničkom domu zasnuje radni odnos u Parlamentarnoj skupštini BiH, odnosno da dužnost poslanika obavlja profesionalno.

Nakon rasprave u kojoj su sudjelovali Suada Muminagić, Ana Havel, Alma Čolo, Ivo Lozančić i Mustafa Pamuk, u kojoj je data i primjedba da je nužno donijeti odluku o profesionalnom radu poslanika u Parlamentu, kako bi se izbjegla stihijnost, zaključeno je da se zahtjev prihvaća, i zadužuje Sekretarijat da ga realizira.

Predsjedavajući  
Komisije za administrativna pitanja  
Predstavničkog doma  
Mustafa Pamuk